

Schrift formateern


Formateern, wat is denn dat?

„Formateern“ nöömt een dat, wenn een dat Utsehn vun en Text verännert – un nix as dat Utsehn. De Inhold vun’n Text warrt dorbi nich antast. He kriggt sotosseggen bloots annere Kleddasch antrocken. – In Word giff dat en ganzen Barg Mööglichkeiten, Texte to gestalten, to verschöönern, ümtotakeln – also to formateern. Se sülvn sünd dorbi Regisseursche, Bühnenbildnersche un Utstattersche: Se köönt bestimmen, woans de Text „antrocken“ is, also woans Bookstaven un Afsätz utseht. Se köönt de „Kostüme“ verännern. De „Kostüme“ sünd de so nöömten Formate.

Wenn Se de Gestalt vun de Afsätz verännert, denn sünd dat Afstzformate. Wenn Se dat Utsehn vun de Bookstaven verännert, sünd dat *Schriftformate* orr *Tekenformate*. Op de Schriftformate wüllt wi nu op los.

Toerst sett wi ganz simpel en Woort fett. Mina Muster will t.B. in en Bewerbungsschrieven de Afkörten „IRÜS“ fett setten:

- Klickt Se in dat Woort, dat Se formateern wüllt. De Schrievmarke mutt in dat Woort blinken! Jichenswo mang de Bookstaven.
- Nu klickt Se op de Symboolliest op den Knoop för **Fett** **F**.
- Dat Woort is fett!
- Klickt Se nochmal op den Knoop.
- Dat Woort is wedder normaal!
- Un jümmer so wieder.



Klick in en Woort, denn den Fett-Knoop drücken – so licht geht dat

die von Ihnen angebotene S
zurzeit an der Universität B
Substanzen (IR|ÜS). Da me
zum passenden Zeitpunkt an

Markeern

Wüllt Se avers ganze Textpassagen tosamen bearbeiten – formateern, löschen, utsnieden usw. –, denn mööt Se den Text tovöör markeern. Dat kiekt wi us an.

Wat is denn markeern?

Mit dat Markeern kenntekent Se en Textpartie. Se künnigt Word dormit an: Pass op, hiermit passeert glieks wat! En Befehl, den Se denn geevt – etwa en Formateern –, warrt automaatsch op den ganzen markeerten Text anwendt.

- Klickt Se an den Anfang vun den Text, den Se markeern wüllt.
- Holt Se de Muustast daldrückt.
- Treckt Se de Muus langs den Text bet na't Enn. Wenn Se stückerwat Reegn markeert, treckt Se de Muus eenfach na rechterhand nerrn!
- Laat Se dor de Muustast los.

De markeerte Text is nu dunkel achterleggt.

*Hier warrt een Woort markeert:
Muus mit daldrückte Muustast
eenfach na rechts trecken*

Die Liebe. Dazu **muss** man nichts sagen.

die von Ihnen angebotene Stelle interessiert mich sehr. Ich bin Chemikerin und promoviere zurzeit an der Universität Beispielhausen am **Institut für Rätselhafte und Übelriechende Substanzen (IRÜS)**. Da meine Promotion kurz vor dem Abschluss steht, könnte ich die Stelle zum passenden Zeitpunkt antreten.

Hier is dat wat vigelienscher: Wi mööt de Muus doch wohraftig vun „Institut“ na „IRÜS“ trecken – also vun rechterhand baven na beten wat linkerhand nerrn. Öövt Se dat!

De Markeern geht weg, wenn Se jichenswo anners henklickt.

Markeert Se poor Sätz un sett Se ehr fett! Se köönt överall markeern, ok merrn in'n fortlopen Text. Düssen Methode vun Markeern geht jümmers.

die von Ihnen angebotene Stelle interessiert mich sehr. Ich bin Chemikerin und promoviere zurzeit an der Universität Beispielhausen am **Institut für Rätselhafte und Übelriechende Substanzen (IRÜS)**. Da meine Promotion kurz vor dem Abschluss steht, könnte ich die Stelle zum passenden Zeitpunkt antreten.

De ganze markeerte Text wor mit een Klick fett sett. Öven!

To dat Markeern gifft dat stückerwat nütte Tricks un Techniken, de alle in dat tohöörn Trick-Kapitel opföhrt sünd! Dat schullen Se sik unbedingt rünnerladen.

Ganz easy mit de Symboolliest


Nu wüllt wi wedder bi dat Formateern bi. Alle Tekenformate, de een faken brukt, sünd op de Format-Symboolliest mit praktische lütte Knööp anbaden. De Format-Symboolliest is de twete vun de Symboolliesten. Se hett bloots mit Formate to doon – dorwegen de Naam.

De Tabell rechterhand wiest alle Knööp, de Tekenformate angaht. Kiekt Se sik de Knööp op Ehr Symboolliest an un probeert Se ehr alle ut!

Naam vun't Format	Knoop	Utsehn
Fett		So süht dat ut
Kursiv		<i>So süht dat ut</i>
Ünnerstreken		<u>So süht dat ut</u>
Schriftklöör		Bunt süht dat ut
Schriftgrött (Schriftgrad)		So süht dat ut
Schriftart		Süht ganz ünnerscheedlich ut

Formate combineern


Natürlich köönt Se ok stückerwat Formate toglied op en markeerten Textdeel loslaten! Se köönt also toglied kursiv, fett un rode Schriftklöör instelln. Probeert Se dat!

De Schriftklöör, de Schriftart un de Schriftgrött sünd nich einfache Knööp, sünnern Utwahl-listen. Se hebbt en lütten swatten dreekantigen Piel  rechterhand blangen sik. Op den köönt Se klicken, denn geht de Liste op. Dor wählt Se per Klick wat ut.



Bi de Schriftklöör giff dat nerrn den Indrag **Weitere Farben...**. Dor kaamt Se in en Dialog, den Se noch faken woanners so findt. Wi besnackt em gründlich t.B. in de Ünnerwiesen to de Teknen-Symboolliest op www.plattpartu.de/Computerie.

De Listen för de Schriftgrött un de Schriftart sünd so lang, dat se Rullbalken an'e Sied hebbt. Bloots mit den Rullbalken kaamt Se an alle Formate ran!

De Schriftarten sünd alphabeetsch na Naam in de Liste opföhrd. Se sünd en schönes Speel-tüch, as se ehr Utsehn al in ehrn Naam utdrückt. Bavento is de Liste vun de Schriftarten ok „intelligent“: Alle Schriftarten, de Se toletzt brukt hebbt, warrt glieds baven in de List anbaden. Denn muttst nienich lange söken!




Schriftart un Schriftgrött hebbt en Rullbalken rechts!



Noch gröötter?

De Liste vun de Schriftgrött geht bet 72, avers Se wüllt noch grööttere Schrift? Denn klickt Se nich op den Piel, de de Liste apenmaakt, sünnern merrn in de Tall, de dor baven in dat Feld steiht. Se warrt blaag markeert. Tippt Se nu einfach de Grött in, de Se hebben wüllt! Denn **Enter**. – Probeert Se allens ut. Se köönt überhaupt nix kaputtmaken. Dat lett sik al-lens wedder ännern.



Hebbt Se Extrawünsche för de Schriftgrött? Keen Problem – einfach in dat Feld intippen! Hier is dat t.B. 150 pt

Die Liebe. Dazu muss man nichts

sagen

Wer dazu Fragen hat,

kann sich ja an das Brautpaar wenden. Dann gibt es aber noch die Ehe, die heute geschlossen wurde. Was ist die Ehe? Ist sie die Fortsetzung der Liebe, in der die Liebe zugleich überhöht

72 wat? 72 pt!

In wat warrt denn de Schriftgrött meten? De Eenheit heet point, op Platt Punkt, afkört pt. 1 pt is etwa 1/3 mm. Normale Schrift is mehrst 12 pt groot, also ca. 4 mm. Un 72 pt sünd denn...


So en Formatknoop köönt Se op twee Wiesen bruken: nadreeglic orr „vördreeglic“. Wi hebbt dat betherto nadreeglic maakt:


Weg 1: Nadreeglic formateern

- Se tippt den Text.
- Nun klickt Se in dat Woort – orr markeert de Textpassage –...
- ...un klickt op den Formatknoop.

Man dat geiht ok anners:

Weg 2: Anknipsen, utknipsen


Se köönt dat Formaat mit en Klick inschalten, denn is dat so lange „an“, bet Se dat wedder utknipst. Wi probeert dat mit den Kursiv-Knoop .

- Tippt Se de eersten Wöör vun'n Text.
- An de Steed, 'neem de Kursivschrift anfangen schall, knipst Se dat Kursiv-Symbol  an.
- Denn tippt Se wieder, un allens, wat Se nu tippt, warrt kursiv.
- An de Steed, 'neem de Kursivschrift ophöörn schall, knipst Se dat Symbol einfach weder ut un tippt denn normaal wieder.

Se seht, düsse Method passt sünnerlich denn, wenn Se en längern Deel Text in en bestimmtes Format schrievn wüllt. Se köönt sik t.B. glieks an'n Anfang vun en Dokment en bestimmte Schrift instelln un denn dat ganze Dokment lang in ehr schrievn. – Probeert Se beed Wiesen ut, bet Se sik seker in föhlt!

Formate in de Symboolliest aflesen

Mit de Symboolliest köönt Se nich bloots Formate instelln. Se köönt dor ok Formate, de al instellt sünd, aflesen.




De Formate vun dat Woort, in dat de Schrievmarke blinkt, kannst in de Symboolliest aflesen!

Klickt Se in en Woort un kiekt Se denn in de Symboolliest. In düt Bild woor at Woort „Liebe“ in – na wat? Kiekt Se sik de Symboolliest bavenöver an! – ja: in 16 pt Comic Sans fett, kursiv, ünnerstrecken un rosa sett. Alle düsse Formate sünd in de Symboolliest aftolesen! De Liest wiest jümmers nau de Formatern vun dat Woort, in dat de Schrievmarke blinkt.

Mehr Formate: In't Menü

Op de Symboollist sünd jümmers bloots de Afkörtten na de an'n mehrsten brukten Befehle. Dat heet: In't Menü stekt noch mehr dorvun. Un för Formate is natüürlich dat Menü **Format** tostännig. Alle Befehle hier hebbt jichenswat mit dat Utsehn vun Text to doon, man för us is nu bloots de eerste Befehl wichtig – he befaat sik mit uns Schriftformate.






Hier lang geiht dat na de velen Formate

Nu apent sik dat ganze Schapp mit Kledaasch för de Bookstaven. Wi gaht toerst mal op de Registerkoort **Schrift**. Speelt Se hier na Hartenslust rümmer! Nernn gifft de Vorschau **A** en Blick op dat Ergeevnis. In de Vorschau köönt Se alle Verännerungen verfolgen; wenn Se dat nich gefallt, wat Se dor instellt hebbt, klickt Se einfach **Abbrechen**, un de richtige Text blifft unverännert.

De Schriftart **B**, Schriftschnitt **C** un Schriftgrad **D** sünd uns ole Bekannte vun de Symboollist, jüst so de Schriftklöör **E**.


Nieg is, dat Se bi de **Unterstreichung F** en ganz Liste to Utwahl hebbt (Rullbalken bruken!). Sodraad Se en Ünnerstrieken-Aart utwählt hebbt, wartt rechterhand dorvun de Liste **G** aktiv, 'neem Se sik en Extraklöör för de Ünnerstrieken utsöken köönt! So köönt Se Text mit rosa Wellnlinien ünnerstrieken. De twee Biller hier wiest dat nochmal extra.

Op't best sett Se Ehr Schrievmarke glieks in en Woort, dat se dor blinkt. Un denn los na Menü **Format | Zeichen**.



De Effekte **H** sünd en schönes Speeltüüg; sünnerlich wenn Se de Schrift schön grot maakt, kaamt de Effekte good rut. De waagrechte Linie in de Vörschau düüd dorbi de Grundlinie vun de Schrift an. Se köönt ok stückerwat mitnanner kombineern! Man nich alle Effekte laat sik kombineern. Wenn Se en Text **Durchgestrichen** formateert un denn den Hoken bi **Doppelt durchgestrichen** sett, geiht de eerste Hoken automaatsch weg. – De Tabell gifft naue Ut-kumst.

Effekt	Utsehn	Besünnerheit
Durchgestrichen	Liebe	Düsse twee Effekte laat sik natüürlich nich mitnanner kombineern
Doppelt durchgestrichen	Liebe	
Hochgestellt	x ² , m ³	De hoochstellt Bookstaav warrt automaatsch beten lütter maakt.
Tiefgestellt	CO ₂ , H ₂ O	De dalsette Bookstaav warrt liekso beten lütter.
	Hooch- un Deepstelln laat sik nich mitnanner kombineern.	
Schattiert	Liebe	Beed Effekte kannst mit'nanner kombineern, a-vers nich mit Relief orr Gravur
Umriss	Liebe	
Relief	Liebe	De Text süht ut, as heev he sik vun dat Papeer af
Gravur	Liebe	De Text süht ut, as weer he in't Papeer ingraven
Kapitälchen	LIEBE	De Lüttbookstaven warrt to lütte Grootbookstaven. – Kann heel eddel utsehn!
Großbuchstaben	LIEBE	De Lüttbookstaven warrt to Grootbookstaven – man <i>as Format!</i> D.h. bloots as Kledaasch. Kannst jümmers wedder ännern!
Ausgeblendet		Wohrschu: De Text is gor nich mehr to sehn, as verwunnen. Kannst bloots allens markeern, in düssen Dialog gahn un den Effekt wedder utschalten. – De Effekt döög also för „Geheim-Bottschapen“.




Bi dat Hooch- un Deepstelln süht in de Vörschau in den Formateerdialog op't best, woans de Text över de Grundlinie hooch- orr ünner de Grundlinie dalsett warrt. – Woorscheu: Nich vergeten, dat Format wedder uttoknipsen! Süss blifft de Schrift lütt. Bispill: m³ Hier heff ik afsichtlich vergeten, na dat Formateern vun de 3 wedder dat Formaat uttoknipsen. Nu blifft de Schrift lütt. Dat gifft Lü, de sett denn de Schriftgrött hooch, man dat is eentlich verkehrt: de Schrift sitt ja ok to hooch! Eenzige Lösung: Utknipsen vun dat Hooch- un Deepstelln nich vergeten!

Woorscheu vör Standard!

Klickt Se lever nich op den Knoop **Standard** (Knoop **I** in dat Bild op Siet 41). Dordör warrt dat, wat Se da jüst tosamemixt hebbt, to Standardschrift maakt, de in jeden nieges Dokment vun Anfang an instellt is. Beter nich probeern!


Nu wüllt wi avers op de Registerkoort **Zeichenabstand** wesseln. De süht langwielig ut, avers dor stekt poor intressante Formate achter:

- Mit **Skalieren** köönt Se de Schrift waagrecht dehnen orr oder stauchen. Dat kann denn so utsehn:
Düsse Schrift is üm 200% skaleert, düsse Schrift bloots üm 50%. Probeert Se dat ut!
Tipp: Se köönt ok direkt in dat Feld **Skalieren:** Werte intippen, de in de Liste nich staht! Dat geht as bi de Schriftgrött.
- De Laufweite is heel wichtig. Hier bestimmt Se, wa wiet de Bookstaven vun'nanner weg ween schallt. Dat gifft also „Luft“ twüschen de Bookstaven – avers ahn Leerteken dortwüschent to setten! **Erweitert** maakt den Abstand to'n Naverbookstaven höger; **Schmal** maakt dat lütter. Mit de Liste **um:** bestimmt Se denn noch, üm wa veel Point. De Vörschau nerrn wiest dat. Hier poor Bispeel:



Düsse Schrift is üm 0,8 pt **erweitert**, d ü s s e ü m 4 p t . Düsse Schrift is üm 0,8 pt **schmal**, d ü s s e ü m 2 p t



Se seht, de **schmal** setten Texte sünd slecht to lesen. De erweiterten Texte seht ut, as weern dor Leerteken binn – sünd avers nich! Wiss kennt Se solk „gesperrt gesetzte“ Texte ut Bläder. So kaamt de tostann!



Wenn Se de Laufweite Erweitert orr Schmal maakt...

...köönt Se in de Liste rechterhand instelln, üm wa veel pt. De Vorschau wiest dat Ergebnis

Mit dat Feld **Position** köönt Se de Schrift höger orr rünner setten – ahn dat se lütter warrt (as dat bi **Hochgestellt** un **Tiefgestellt** is) un in heel fiene Schreed (Liste **um:**, dor köönt Se dat in pt instelln, also in Drüttel-Millimeter). Probeert Se dat ut! Af un to bruukt een dat – man raar.



To'n Sluss besöök wi de letzte Registerkoort **Texteffekte**. Erstklassiges Speeltüch! Min Favorit is **Funkelnder Text**. Düt Speeltüch is avers ok nütt: Wenn Se vun Profeschoon orr mit Frünnen Texte per Email hen- un herschickt, köönt Se so Textpassagen kenntlich maken, de Se wichtig sünd. Versöök Se mal, en Textpassage to oversehn, de mit **Blinkendem Hintergrund** formateert is! Geiht nich – se fällt foorts in't Oog.

Avers maakt Se sik keen Höpen, dat düsse lustigen Animaschoonen druckt warrt. Woans schull de Drucker dat denn bewerkstelligen?!